

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Organismo Autonomoak

### GIZARTE ONGIZATERAKO FORU ERAKUNDEA

#### **Familia harrerarako eta familia harreraren osteko jarraipenerako laguntza ekonomiko berezien urteko deialdia. 2019ko ekitaldia**

Gizarte Ongizaterako Foru Erakundearen Administrazio Kontseiluak laguntza deialdi hau onartzea eta argitaratzea erabaki du, 2019ko urtarrilaren 22an egindako bilkuran. Hona hemen hura arautuko duten,

#### OINARRIAK

##### **Lehenengoa. Xedea**

Lehena. Familia harrerarako eta familia harreraren osteko jarraipenerako laguntza ekonomiko berezien deialdia onartzea 2019ko ekitaldirako, apirilaren 15eko 22/2014 Foru Dekretuan onartutako oinarri arautzaileei jarraituz.

##### **Bigarrena. Diruz lagundu daitezkeen kontzeptu eta gastuak**

1. 2019ko ekitaldian egindako gastu hauek lagundu daitezke diruz:

- a) Betaurrekoak, lentillak.
- b) Odontologia.
- c) Eskola laguntza.
- d) Familia laguntza.
- e) Etxeko laguntza.
- f) Medikuntza tratamenduak.
- g) Jolas jarduera hezigarriak.
- h) Dokumentazio izapideak.
- i) Eskola matrikulazioa.

j) Harrerapeko adingabea zaindu eta artatzearekin zerikusia duen beste edozein, edo adin nagusira iritsitakoan familia harreragilearekin bizitzen jarraitzen duten gazteei dagozkienak, salbuespenez irizten bazaio beharrezko behar adina frogatuta dagoela; betiere, gastua ez badu beste edozein sistema publikok bere gain hartzen.

2. Aurreko 1. puntuko b) idatz-zatian sartzan diren ortodontzia gastuen kasuan, haien izaera dela eta, dirulaguntza esleitzeko ebazpenak 5.2.b) oinarrian ezarritakoaren arabera dagozkion zenbateko osoa hartuko du. Dirulaguntza ordaintzea hainbat ekitalditan egin beharra gerta daiteke, eta, hala, gastua dagozkion ekitaldiko partiden kontura frogatu ahala egingo da ordainketa. Geroagoko ekitaldirik egonez gero, haiei dagozkien zenbatekoak ordainduko badira, kreditu egoki eta nahikoa egon beharko da.

##### **Hirugarrena. Onuradunak. Baldintza orokorrak eta berariazkoak**

1. Laguntza hauen onuradun izan daitezke Arabako Lurralde Historikoan familia harreraren bat formalizatu duten pertsonak, bai eta familia harreraren bidez etxean eduki duten adingabea adin nagusira iritsitakoan ere beraiekin duten pertsonak, apirilaren 15eko 22/2014 Foru Dekretuan jasotzen diren oinarri arautzaileen 3. artikuluan ezarritakoarekin bat etorritik .

2. Diruz lagundu daitezkeen kontzeptuengatik laguntza jaso ahal izateko bete behar diren baldintza berariazkoen artean, honako hauek ezartzen dira:

a) Betaurrekoak, lentillak: txosten medikoa, horien beharrezana dagoela ziurtatzeko.

b) Odontologia: txosten medikoa, horren beharrezana dagoela eta gastua osasun zerbitzuek estaltzen ez dutela ziurtatzeko.

c) Eskola laguntza: eskolako txosten teknikoa, laguntza horren beharrezana egiaztatzeko.

d) Familia laguntza, 14 urtetik beherakoentzat, salbu behar bereziak dituzten haurrak. Harrera familiak (kide biek, hala denean), familia harrerarako egokitzapen balorazioa egin ondoren sortutako lan arloko arrazoiak direla-eta, harrerapeko adingabeen gainbegiratze beharrezan bete ezin dituenean, laguntza hori artatzeko erabili delako justifikazioa.

Laguntza eskatu ahal izango da beste kasu hauetan ere:

– Ezusteko arrazoiak harrera familiari eragozten badiote harrerapeko adingabeari arreta ematea.

– Familia zabaleko harreraren kasuetan, osasun arazoak agertzen badira harrera formalizatu baino lehen.

e) Etxeko laguntza Etxean karga handi samarrak izatea. Beharrezan hori teknikoki baloratuko da hauen arabera:

– harreraren dauden adingabeen kopurua (bi baino gehiago).

– Harreraren dauden adingabeen adina (14 urtetik beherakoak, salbu eta beharrezan bereziki adingabeak).

– Familia harreragilean adina.

f) Osasun sistema publikoak bere kontu hartzen ez dituen medikuntza tratamenduak, haien beharra bermatzen duten mediku txostena eta osasun publikoko zerbitzuek ez bere gain hartzea gastua.

g) Jolas jarduera hezigarriak, beharrezana teknikoki baloratuko da hauen arabera:

– Adingabeak gizarte eta harremanetarako gaitasunen defizita izatea, eta mediku edo psikologo diagnostiko batek bermatzea hori.

– Familiaren egoera ekonomikoa, ikuskapen teknikoak emango du haren berri.

– Familia egoera eragozpena izatea laguntasunerako eta era horretako jarduerak sustatzeko.

h) Dokumentazio izapideak, Arabako Lurralde Historikotik kanpora joan beharra badakarte.

#### **Laugarrena. Dirulaguntzak emateko erregimena**

Dirulaguntza horiek lehia bidez esleituko dira, eta funtsak banatuko dira eskaerak jaso ahala, aurrekontu zuzkiduren mugara arte, betiere deialdian ezarritako baldintzak betez gero.

#### **Bosgarrena. Prestazioaren zenbatekoa zehaztea**

1. Deialdi publiko honetan arautzen diren dirulaguntzak "Familia harrerarako laguntzen programa" 80205.0521.480.00.10 gastuko aurrekontu partidaren kontura ordainduko dira. Partida hori Gizarte Ongizaterako Foru Erakundearen 2019rako luzatutako 2018ko aurrekontuan dago sartuta, eta ehun eta hogeita hamar mila euroko (130.000 euro) hornidura aurreikusi da hasiera batean; nolahi ere, zenbateko hori gehitu ahal izango da, jasotzen diren eskaeren arabera.

2. Onartu beharreko laguntza ekonomiko bereziaren gehieneko kopurua honela ezarriko da:

a) Betaurrekoak, lentillak: Eskaera bakoitzeko, gehienez, 165 euroko zenbatekoa ezarriko da.

b) Odontologia: Eskaera bakoitzeko, gehienezko zenbateko hauek ezarriko dira:

- Endodontziak: 150 euro, gehienez.
- Erauzketak: 80 euro, gehienez.
- Betetzeak: 60 euro, gehienez.
- Erradiografiak: 50 euro, gehienez.
- Ortodontzia: 3.000 euro tratamendu osorako.

c) Eskola laguntza: txosten profesionalean ageri den beharrianaren arabera (txostena ikasurtean zehar berrikusi ahal izango da), eta gehienez 1.200 euro urteko, gehienezko zenbatekoak hauek direla:

- Lehen Hezkuntza: 13 euro orduko.
- Bigarren Hezkuntza: 19 euro orduko.
- Derrigorrezko Hezkuntzaren Ondokoa: 20 euro orduko.

d) Familia laguntza: gehienez ere ekitaldirako ezarritako lanbide arteko gutxieneko soldata emango da, lanaldiko lanorduen araberako proportzioan. Diruz lagundutako lanorduetatik Gizarte Segurantzaren kotizazioari dagokion zatia gehituko da aplikatu daitekeen araudiaren arabera. Guztizko dirulaguntzak, urteko eta harrera familiako, ezin izango ditu 7.000 euroak gainditu.

e) Etxeko laguntza: gehienez ere ekitaldirako ezarritako lanbide arteko gutxieneko soldata emango da, lanaldiko lanorduen araberako proportzioan. Diruz lagundutako lanorduetatik Gizarte Segurantzaren kotizazioari dagokion zatia gehituko da aplikatu daitekeen araudiaren arabera, gehienez ere 4.000 euro urteko eta harrera familiako.

f) Osasun sistema publikoak bere gain hartzen ez dituen medikuntza tratamenduak: 3.000 euro/tratamendua.

g) Jolas jarduera hezigarriak, jardueraren % 50, gehienez ere urtean 800 euro.

h) Dokumentazio izapideak:

- Egin beharreko izapidearen beraren gastu guztiak.
- Joan-etorriak Adingabearenak eta laguntzaile batenak.
- Ahal dela, garraio publikoa: Frogatutakoa.
- Norberaren ibilgailua: 0,29 euro/km, autobide sariak eta parkinga.
- Bidaia-sariak: Adingabearenak eta laguntzaile batenak.
- Ostatatzea: Gehienez 80 euro/gaua (3 izar gehienez) pertsonako.
- Bazkaria: gehienez, 21 euro pertsonako.
- Afaria: gehienez, 21 euro pertsonako.
- Gosaria: 3 euro pertsonako.

i) Beste batzuk: behar bezalako beharrianaren eta beharrian horren aurrekontuaren arabera.

### **Seigarrena. Eskaerak aurkeztea**

1. Adin nagusitasunera heltzean familia harreran egon den gaztearekin bizitzen jarraitzen duen harreragileak edo harreragile ohiak eskatzen duenean, orduan hasiko da araudi honen xede diren laguntzak emateko prozedura. Prozedura hori deialdi honekin batera l. eranskin gisa doan eskabide eredian formalizatuko da.

## 2. Eskaerarekin batera agiri hauek aurkeztu beharko dira:

a) Beharrian berezia justifikatzen duten agiriak. Agiri horiek dagokion profesionalak egin beharko ditu. Harreragileak justifikatu behar baditu bai beharriana bai dirulaguntzaren eskaeraren xede den ordu kopurua, "famili laguntzako" kasu hori salbuetsita geratuko da.

b) Behar den arretaren kostu osoari buruzko aurrekontua. Aurrekontu horren barruan sartu beharko dira bai esku hartze profesionalaren gastuak bai esku hartzerako edo tratamendurako -bidezkoa bada- beharrezkoak diren material edo gailuen gastuak, eta horiez gain administrazio-kontzeptu guztiak eta tratamenduaren edo esku hartzearen jarraipenari dagozkion kontzeptu guztiak.

c) Esku hartze bakoitzeko gastu osoa 1.200 eurotik gorakoa bada, gutxienez bi aurrekontu aurkeztu beharko dira. Aurkeztutako eskaintzak azaldu beharko dira. Horietako bat aukeratzea eraginkortasun eta ekonomia irizpideei jarraituz egingo da eta, aukeratutako eskaintza diru aldetik hobereena ez denean, egindako aukera espreski arrazoitu beharko da memoria batean. Ez da halakorik egin behar izango neskak, mutilak edo gazteak hainbat diagnostiko jasatea kaltegarria edo desegokia izan ahal bada, lehenagoko esku hartzeen ondoriozko harremanen bat badago, mugikortasun geografikoengatik mugak badaude, edo adingabe gaztearentzat desegokitzen jotzen den beste egoeraren bat gertatzen bada. Egoera hori alegatu egin beharko da eskabidean, eta aldeko irizpena lortu behar du proposamen teknikoan, eta baiezkoa ematen duen ebazpenean onartu.

3. Diruz lagundutako kontzeptuak, hainbat ekitaldi herrenkadan hartzen badituzte gauzatzeko orduan eta esleitzeko ebazpena haiei buruzkoa izan bada, ez da beharko 1. puntuan aipatzen den eskabidea eredia aurkeztea baizik, hala dela adieraziz.

4. Gizarte Ongizaterako Foru Erakundeak ofizioz eskatuko dio Foru Ogasunari onuradunak bere zerga betebeharrak egunean dituelako egiaztagiria; hala ere, ez du halakorik egiaztatu beharrik izango, baldin 800 euro baino gutxiagoko laguntza bada eta otsailaren 11ko 18/1997 Foru Dekretuan (ondoren 58/2004 Foru Dekretuak aldatua) ezarritakoaren arabera halakorik egiaztatu beharretik salbuetsita badago. Onuradunak aurka egiten badio GOFEk dokumentazio hori eskatzeari, berak aurkeztu beharko du dokumentazioa eskabidearekin batera. Zergak beste probintzia edo autonomia-erkidego batean ordaintzen dituzten pertsonen kasuan, beren egoitzako ogasunaren egiaztagiria ere aurkeztu beharko dituzte.

5. Gizarte Ongizaterako Foru Erakundeak ofizioz eskatuko dio Gizarte Segurantzari onuradunak Gizarte Segurantzarekiko betebeharrak egunean dituelako egiaztagiria; hala ere, ez du halakorik egiaztatu beharrik izango, baldin 3.000 euro baino gutxiagoko laguntza bada eta otsailaren 11ko 18/1997 Foru Dekretuan (ondoren 58/2004 Foru Dekretuak aldatua) ezarritakoaren arabera halakorik egiaztatu beharretik salbuetsita badago. Onuradunak aurka egiten badio GOFEk dokumentazio hori eskatzeari, berak aurkeztu beharko du dokumentazioa eskabidearekin batera.

6. Eskaerak aurkezteko epea oinarri hauek Arabako Lurralde Historikoko Aldizkari Ofizialean argitaratu eta hurrengo egunean hasiko da eta 2019ko abenduaren 15ean amaituko da.

### **Zazpigarrena. Ordaintzeko modua**

1. Arau orokor gisa, laguntza ekonomiko bereziak gehienez hilabete bateko epean ordainduko zaizkio eskatzaileari, gastua justifikatzen eta ordainketa frogatzen den egunetik aurrera.

2. Laguntzaren zenbatekoa aurreratzerik ere izango da tratamendu batzuetan, tratamendua hasteko beharrezkoa bada, eskaeran eta proposamen teknikoan hori aipatzen bada eta baiezkoa ematen duen ebazpenean hala zehazten bada. Ordainketa hori gehienez hilabete bateko epean egingo da laguntza ematen den egunetik aurrera.

**Zortzigarrena. Gastuen eta ordainketen justifikazioa**

1. Oro har, eskatzaileak, ordainagiria jaulkitzen denetik gehienez bi hilabeteko epean eta, betiere, 2019ko abenduaren 31 baino lehen, adingabeak edo gazteak behar duen arreta eman duen profesionalak edo erakunde espezializatuak jaulkitako faktura aurkeztu beharko du Gizarte Ongizaterako Foru Erakundearen Adingabeen eta Familiaren Arloan. Agiri hauetakoren baten bidez frogatu beharko da ordainketa: jaso izanaren agiria, bankuko agiriaren kopia jatorrizkoa edo faktura egin duen enpresaren sinadura eta zigilua daukan faktura, berori ordaindu izana egiaztatzen duena; 2020ko urtarrilaren 15a baino lehen aurkeztu beharko da.

Urriaren 29ko 7/2012 Legearen (2012ko urriaren 30eko EAOn argitaratu zen), iruzurraren kontra borrokatzearen, 7. artikuluan ezarritakoaren arabera, ez da onartuko eskudirutan egindako ordainketarik eragiketen zenbatekoa (edo haren balioa atzerriko dirutan) 2019ko ekitaldirako indarrean den araudian ezarritakoa edo handiagoa bada. Aurreko paragrafoan adierazitako zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

2. Familia laguntzari edo etxeko laguntzari dagozkien laguntzen kasuan, aurreko puntuan jasotakoaz gain, Gizarte Segurantzari dagokion hilabeteko kuota ordaindu izanaren frogagiria aurkeztu beharko da, betiere 2020ko otsailaren 7a baino lehen.

3. Tratamendua denean hasi aurretik ordaindu beharrekoa, eskatzaileak, laguntza egiaz ordaintzen denetik gehienez hilabete igaro baino lehen eta 2019ko abenduaren 31 baino lehen, tratamendu hori hasi izana egiaztatu beharko du Gizarte Ongizaterako Foru Erakundearen Adingabeen eta Familiaren Arloan, adingabeak edo gazteak behar duen arreta eman duen profesionalak edo erakunde espezializatuak jaulkitako ordainagiriaren bidez. Agiri hauetakoren baten bidez frogatu beharko da ordainketa: jaso izanaren agiria, bankuko agiriaren kopia jatorrizkoa edo faktura egin duen enpresaren sinadura eta zigilua daukan faktura, berori ordaindu izana egiaztatzen duena; 2020ko urtarrilaren 15a baino lehen aurkeztu beharko da.

Urriaren 29ko 7/2012 Legearen (2012ko urriaren 30eko EAOn argitaratu zen), iruzurraren kontra borrokatzearen, 7. artikuluan ezarritakoaren arabera, ez da onartuko eskudirutan egindako ordainketarik eragiketen zenbatekoa (edo haren balioa atzerriko dirutan) indarrean den araudian ezarritakoa edo handiagoa bada. Aurreko paragrafoan adierazitako zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

4. Gastua frogatzeko, jatorrizko fakturak edo benetako agiriak baliatuko dira. Gizarte Ongizaterako Foru Erakundeak jatorrizkoekin batera aurkezten diren fotokopiak konpultsatuko ditu.

**Bederatzigarrena. Dirulaguntza bat baino gehiago aldi berean jasotzea**

Baldin eta familia harrerarako eta harrera osteko jarraipenenerako dirulaguntza berezien onuradunek beste dirulaguntza publiko edo pribatu batzuk eskuratzen badituzte helburu bererako, jakinarazi egin beharko diote Gizarte Ongizaterako Foru Erakundeari; eta, jakinarazi, dirulaguntza eskatzen duten une berean edo dirulaguntza eskuratu eta hamar egun balioduneko epean jakinarazi beharko dute.

**Hamargarrena. Eskaerak izapidetzea eta ebaztea**

1. Adingabeen eta Familiaren Arloaren Zuzendariordetza Teknikoa da prozedura antolatu eta bideratzeko eskumena duen organoa. Organo horrek izapidetuko du ebazpen proposamena, behar bezala arrazoiturik, Gizarte Ongizaterako Foru Erakundearen Administrazio Kontseiluko Lehendakariaren aurrean, hark ebazpena eman dezan.

2. Gizarte Ongizaterako Foru Erakundearen Administrazio Kontseiluko lehendakariak izango du eskumena deialdi honen babesean izapidetzen diren espedienteak ebazteko, hala agintzen baitu Diputatuen Kontseiluaren apirilaren 3ko 25/2012 Foru Dekretuaren bidez onetsitako Gizarte Ongizaterako Foru Erakundearen egitura eta funtzionamenduari buruzko arautegiak 25. artikuluan.

Ebazpena arrazoitu egin behar da, eta honako hauek argitu behar ditu:

- Laguntza ekonomiko berezia ematea bidezkoa den ala ez.
- Laguntza ekonomiko bereziaren zenbatekoa eta laguntzaren helburua nahiz ordaintzeko era.
- Ebazpena emateko epea.

Ebazpena emateko eta eskatzaileari jakinarazteko epea gehienez hiru hilabetekoa da, eskaerak jasotzen direnetik aurrera. Epe zenbaketa horretarako, ez da kontuan hartuko espedientea etenda egondako denbora, baldin eta etete horren kausak eskatzaileari egotzi ahal bazaizkio.

Aurreko idatz zatian aipatutako epea berariazko ebazpenik eman gabe igarotzen bada, adituko da eskaera ezetsi egin dela. Dena dela, Gizarte Ongizaterako Foru Erakundeak berariazko ebazpena emateko betebeharra du.

3. - Ebazpenaren aurka errekurtsua jarri ahal izango da Administrazio Publikoen Administrazio Prozedura Erkidearen urriaren 1eko 39/2015 Legearen 121etik 126ra arteko artikuluetan xedatutakoaren arabera.

#### **Hamaikagarrena. Datu pertsonalen tratamendua**

Indarrean dagoen datu pertsonalen babesari buruzko araudiak xedatutakoaren arabera, Gizarte Ongizaterako Foru Erakundeak tratatuko ditu deialdi honek arautzen dituen laguntzak jasotzeko aurkezten diren eskaeretako datu pertsonalak eta baita laguntzak kudeatzeko, harremanak izateko eta komunikatzeko eta erakunde honi eskatutako edo erakunde honek emandako zerbitzuak kudeatzeko interesdunekin harremanetan jarrita eskuratzen diren guztiak ere. Datuak tratatu ahal izateko, interesdunak baimena eman behar du, foru erakundeak bere berezko funtzioak betetzeko erabili behar ditu bere eskumenen esparruan edo aurreko bi egoera horiek eman behar dira. Datuak ez zaizkie hirugarrenei helaraziko, legeak baimendutako kasuetan izan ezik. Datuak ez zaizkio estatutik kanpoko inori helaraziko. Babes bereziko datuak dira.



Zure datuak ikusi, aldatu eta ezabatu ditzakezu, eta baita horien gaineko beste eskubide batzuk erabili ere, honako webgunean duzun informazio osagarrian ikus dezakezun moduan: [http://www.araba.eus/cs/Satellite?c=Page&cid=500000265916&pagename=IFBS%2FPage%2FIFBS\\_genericoPie](http://www.araba.eus/cs/Satellite?c=Page&cid=500000265916&pagename=IFBS%2FPage%2FIFBS_genericoPie) edo idazkia bidal dezakezu, zure NANaren bidez identifikatu ostean, Gizarte Ongizaterako Foru Erakundera (Alava Jenerala kalea 10, 5. sol., 3. dptu., 01005 Gasteiz), edo posta elektronikoa bidal diezaiokezu datuen babeserako gure ordezkariari honako helbide honetara: [dpd\\_ifbs@araba.eus](mailto:dpd_ifbs@araba.eus).

#### **Hamabigarrena. Azken klausula**

Deialdi honen oinarriak guztiz egongo dira honako arau hauen pean: 11/2016 Foru Araua, urriaren 19koa, Arabako Lurralde Historikoko Dirulaguntzei buruzkoa; 38/2003 Legea, azaroaren 17koa, Dirulaguntzen Orokorra; 22/2014 Foru Dekretua, apirilaren 15ekoa, onartzen duena familia harrerarako eta familia harreraren osteko jarraipenerako prestazio eta diru-laguntzaak onartzen dituen araudia, eta aplikazio orokorreko arau guztiak.

Vitoria-Gasteiz, 2019ko urtarrilaren 22a

*Gizarte Ongizaterako Foru Erakundearen Administrazio Kontseiluko lehendakaria*  
**M. ANTONIA OLABARRIETA IBARRONDO**

<p>ARABAKO FORU ALDUNDIA</p>  <p>Gizarte Ongizaterako Foru Erakundea Instituto Foral De Bienestar Social</p> <p>DIPUTACIÓN FORAL DE ÁLAVA www.alava.net/ifbs/</p>	<p>Familia Harrerako laguntza ekonomikoak egiteko eskaera</p> <p style="text-align: right; font-size: 24px;"><b>028</b></p>  <p>GIZARTE ONGIZATERAKO FORU ERAKUNDEKO KUDEAKETAKO ZUZENDARITZARI</p>				
<p><b>Eskatzailearen datuak</b></p>					
Lehen abizena	Bigarren abizena	Izena			
Jaiotza data (eguna, hilabetea eta urtea)	Sexua G <input type="checkbox"/> E <input type="checkbox"/>	Nazionalitatea Egoera zibila			
Helbidea (Kalea/ Plaza)	Zenbakia	Blokea	Eskailera	Solairua	Atea
PK.	Udalerría	Herria	Probintzia /L.H. NAN/IFZ •AIZ • Beste bat		
Telefono finkoa	Sakelako telefonoa	Helbide elektronikoa			
<p><b>ADIERAZTEN DU</b></p>					
<p><input type="text"/> -en familia harrera dela (izan dela) eta</p>					
<p>harrera data honetan formalizatu da: <input type="text"/></p>					
<p><b>ETA ESKATZEN DU</b>, beharrezkoak diren izapideak baino lehen, honako hauek ematea:</p>					
<p>1. Familia harrerako aparteko laguntza ekonomikoa / familia harreraren ostean</p>					
<div style="border: 1px solid black; height: 230px; width: 100%;"></div>					
Kontzeptua	<input type="text"/>	Zenbatekoa	<input type="text"/>	Epealdia	<input type="text"/>

## 2. Familia harreraren osteko prestazio arrunta

Horretarako eranstean da (1. Kasua):

- Onartzea bermatzen duen justifikatzeko txostena
- Aurrekontua (1.200 eurotik gorakoa bada, bi aurrekontu)
- Laguntza ekonomikoaren beharrari buruzko justifikazioa, behar denean

## NIRE ARDURAPEAN ADIERAZTEN DITUT HONAKO HAUEK:

Eskabide honetan adierazitako datuak benetakoak direla.  
Beharrezko egiaztapenak eta fitxategi publikoei kontsultak egiteko baimena ematen dudala, aitortutako datuak Administrazio Publiko eskudunen eskuetan daudenean bat datozela ziurtatzeko.  
Badakidala aurrerantzean gerta daitezkeen eta 1. eskaera honi eragin diezaioketen aldaketen berri Gizarte Ongizatearen Foru Erakundeari ematera behartuta nagoela, 15 egutegi-egunen epean aldaketa gertatzen den egunetik hasita.

-(n), 20  -(e)ko  -ren  -(e)an

Eskatzailearen sinadura

Dokumentu hau sinatuz, goian sinatzen duenak adierazten du informatuta dagoela eta **DBLO Lege Oharrean** (012. eranskina) aipatutako baimena ematen duela, bere datu pertsonalak erabil ditzan Gizarte Ongizaterako Foru Erakundeak.